

中國方志叢書·華北地方·第五十二號

據抄著者年代不詳影印

山東省

陵縣鄉土志

(全)

成文出版社印行



\*10107739\*



歷史

本境建置年代

陵縣之名始于明洪武十三年陵縣古屬平原郡自隋唐以前隋唐以後凡所謂平原郡者非陵縣所得專也所謂平原縣者即今之平原縣地尤與陵縣無涉也至若曰將陵曰陵州有陵之名而實非陵縣則以改德互易故耳要而論之安德之縣置自漢而兼轄厭次之封德州之名起于隋而不廢安德之舊至明始廢安德立縣治瓜疇芋區使不相混未置本境之時代

唐虞夏商

兗州之域

禹貢濟河惟兗州于欽齊乘曰德州禹貢兗州之域

欽當時之德州者今之陵縣也夏時屬有鬲氏國通志德平鬲國

陵縣鄉土志

一

禹既跨有今德州德平之地則陵為其南鄙可知商殷因于夏無所變改考詩書系雅漢書地理志陵縣於四代均兗州域也

國初

兗州幽州之域

周禮河東曰兗州其川河濟東北為幽州陵南

界河濟屬幽州之域也

春秋

屬齊西偏地

齊桓之時河行徒駭齊地西及河陵其西鄙也

戰國

屬齊西偏地

舊志謂地併于趙封公子勝于此繫史記平原君傳

封于宋武城徐廣曰清河清河今直隸廣平府屬縣又德川志有

齊平原有趙平原齊平原即漢平原郡趙平原密遼邯鄲即今廣

平府則陵屬齊地于此可證也

秦

厭次 屬齊郡平原地府志始皇東遊厭氣次其地故名秦楚之際無所變改案今治所東北二十五里神頭鎮即厭次城故址也

西漢

安惠縣 師古曰惠古德字

富平侯國 屬齊國又屬青州平原郡應邵曰明帝更名厭次案漢書高帝封爰類為厭次侯是知厭次舊名非始明帝蓋復故耳齊乘水經闕駟注曰厭次縣富平侯張安世封國安世薨子延壽嗣平原之富平乃延壽封邑也

新莽

安德縣 屬青州定安公國以富平改為安樂亭而侯不除按漢書

王莽傳莽元年廢孺子嬰為定安公封于此焉

陵縣 鄉土志

二

東漢

安德侯國

厭次縣 置于故富平侯國屬青州平原郡按漢書平原郡王莽曰  
河平光武復為平原殤帝延平元年封子勝為平原王為國安帝  
時國除為郡桓帝封弟碩為王遂屬王國又郡國志平原領縣十  
厭次其一也

魏

安德縣 侯國除為縣屬青州平原郡三國志文帝元年立齊公叡

為平原侯後即位復為郡

厭次 屬青縣陵郡夏侯湛東方先生畫贊魏建安中分厭次為樂  
陵郡按建安漢獻帝年號晉書地理志魏武定伯所置凡十二郡  
註有樂陵錢氏大昕曰類武定伯猶奉東漢年號謂漢置也可謂

魏武置亦可也

晉

安德公國 屬冀州平原國又為侯國屬平原郡

厭次縣 屬冀州樂陵郡晉時郡治東徙馬嶺厭次隨郡東徙屬幽

州刺史晉以後之厭次逐其今陵縣無其

後趙前秦前燕後燕

安德縣 公國除為縣東安陵省入

厭次 屬幽州刺史按十六國疆域志後趙屬冀州平原國前燕屬

清州平原郡前秦後燕屬冀州平原郡

東晉

安德縣 屬幽州平原郡

南燕

陵縣鄉土志

三

安德縣 屬冀州平原郡

劉宋

安德令 屬冀州平原太守宋書地理志郡縣皆書守令如今書布

政使司也

北魏東魏北齊周

安德縣 北魏初屬冀州安德郡尋并渤海又屬滄州安德郡東魏

北齊周均無所變改

隋

安德縣 屬德州治至大業三年罷州為平原郡故又屬平原

唐

安德縣 唐書地理志武德四年平竇建德復置德州領縣六安德屬焉天寶元年改為平原郡乾元元年復為德州屬河北道考顏

真卿傳至德元載棄平原渡河安祿山傳乾元元年為德州刺史  
王暕歸順是從平原為德州自安祿山而唐因之也又唐制有州  
則廢郡有郡則廢州刺史太守不並建

五代

安德縣 屬德州為刺史治

宋

安德 宋復為州理屬河北東路德州平原郡治元豐元城志熙  
寧六年省德州入安德有德化糜村將陵振仁德平重與盤河滋  
博八鄉今治所東南四十之居一里有盤河鎮集又正東四十里  
之存一里有滋博店集皆即宋時居鎮名也

金

安德 金為防禦州治屬山東東路德州初屬劉豫後入金  
陵縣鄉土志

南宋

安德縣 屬京東東路德州

元

安德縣 屬東平路總管府德州

既置本境之時代

明

陵縣 明洪武七年省安德入德州屬山東布政使司濟南府二十三年分德州置陵縣于舊安德屬濟南府德州按德州志改德互易考曰今之德州昔之所謂將陵縣所謂陵州也今之陵縣昔之所謂德州安德縣也洪武七年廢陵徙州治于此並廢安德入焉不復曰陵州而于安德省安字曰德州此易陵縣為德州也至十三年于安德廢縣立縣治不復其名曰安德而名之曰陵縣此易

德州為陵縣也陵德之名已四變至是始定焉故昔人有陵德互易考

國朝

陵縣 初屬山東布政使司濟南府德州後德州廢為散州直屬濟南府

政績錄

與利

隋

房恭懿字慎言河南洛陽人初為新豐令政為三輔最超授澤州司馬遷德州司馬在職歲餘盧鎧奏為天下最上甚異之謂諸州朝集使曰如房恭懿志存休國愛養我百姓此乃上天宗廟之佑助豈朕寡薄能致之乎朕即拜為刺史豈止為一州而已當令天下

陵縣鄉土志

五

模範之鄉等宜師教也後遷海州刺史  
趙元淑京兆雲陽人性疎名不事生產以功拜德州刺史尋拜潁川  
太守並有感惠

唐

韓思復字紹出京兆長安人以諫議大夫出按山東蝗災遷以損傷  
實白出為德州刺史性恬淡不喜為繩查仁恕不行鞭罰遷吏部  
侍郎卒謚曰文

韋安石京兆萬年人曾祖孝寬高祖時為陵州刺史安石舉明經調  
乾封尉雍州長史武后時擢膳部員外郎遷并州司馬有善政陟  
德州刺史性方重不苟言笑其政尚清戾而心存忠恕史民畏而  
懷之後封勳國公

張知謏字匪躬幽州方城人嗣聖初擢監察御史為德州刺史甚有

聲譽前後凡刺十一州均有盛惠武后降玺書存問後自德入計  
后奇其貌詔工圖之中宗復位拜左衛將軍加雲麾將軍封范陽  
郡公

顏真卿字清臣琅琊臨沂人少勤學業有詢藻尤工書天寶中出為  
平原太守時安祿山逆節頗著真卿以霖雨為託修城浚也陰料  
丁壯儲廩食乃陽會文士泛舟外也飲酒賦詩或讒於祿山密偵  
之以為書生不足慮也無幾祿山反河朔盡陷獨平原城守具備  
事績詳唐書

周

張藏英派州范陽人世宗即位授德州刺史召募士卒以備契丹邊  
郡賴以寧謐事績詳宋史

金陵縣鄉土志

六

曾望之字景蕭宣德人天會間以秀民子選充女直字學生賜進士  
及第大定初監修國史以功任德州防禦使習練錢谷盡心職事  
有建政百妹為立生祠

元

武履常京邱人早歲筮仕為淮西憲幕書史廉謹明恕能辨明疑獄  
嘗出非辜死囚十二人翰苑名公以詩文褒美之聲名藉甚後為  
德州知州進官朝散判治之際力以與除為務未踰再期政聲四  
馳見府志

賈棟獲鹿人任德州知州治有政聲士卒懷服

明

王鉉大寧衛人由進士任陵縣知縣慎刑罰勤撫字凡政悉為便民  
之舉邑本唐宋郡城自德州徙後濶大曠廢厝治不易鉉創築子

城於內以為保障人之新城其故址也後遷工部工事瀕去士夫  
祖帳老推攀轅咸垂注不忍於舊志載其德政碎有愷悌父母之  
稱焉

馬珩山西安邑人宏治間由舉人知陵縣修建學校民無告勞德威  
並著人皆仰戴

甘元雋南直嘉定人嘉靖辛卯知陵縣蒞政端戾操履貞固均地糧  
寬里甲累年逋賦俱完無益虛糜盡省

石巖號劄山廣西灌陽人嘉靖丁未由舉人知陵縣心存仁愛政尚  
公平審戶則而豪強斂跡間雲路而士類奮揚

沈正當塗人嘉靖庚戌由舉人任陵縣慈戾立己平易近人仕至府  
通判

李梁河南磁州人舉人嘉靖間知陵縣政瑞才長改任淳化  
陵縣鄉土志

七

宋文明北直永平人萬曆間知陵縣斷若神明心同慈母勤撫字而  
緩催科之政崇儒術而黜堪輿家言去之日士民攀轅揮涕祀名  
宦

劉徵松江西安福人嘉靖間知陵縣慈祥持己和易接人

易孔贊陝西華陰人萬曆間由進士任陵縣知縣簡易寡營剛直不  
屈

### 國朝

王三元浙江山陰人順治年間由舉人任陵縣知縣當改革之初人  
情洶洶至則振紀綱安百姓祀學校抑豪強輿論翕然祀名宦  
史賜廷字昌言江南溧陽人康熙七年由進士任陵縣知縣初至招  
集逃亡復業者二千餘戶其餘善政孔多祀名宦

沈斌浙江歸安人嘉慶十年由保薦升知陵縣為政寬和其士民洽

若家人人卒無干其法者以疾卒於官  
去害

宋

梁夢昇太祖時知德州廉幹清慎嘗發前刺史郭貴姦判事貴使都  
軍頭領史珪言夢昇欺蔑貴奏上太祖怒曰夢昇本清強吏必貴  
所為皆不法尔且珪安得為貴間言乃以珪與貴付中書條問而  
擢夢昇為左贊善

靳懷德博州高唐人太平興國中以明法解褐歷虞部員外郎知德  
州咸平中契丹入寇懷德固守城壁祀名宦

趙挺之字正夫密州諸城人由進士通判德州哲宗賜士卒緡錢郡  
守貧耄不時給卒怒持挺入府守趨避左右盡走挺之坐堂上呼  
問狀立發庫錢而治其為首者衆即定其他事績詳宋史

陵縣鄉土志

八